



Ukuhlomisa izingane zethu
ngelikusasa

SS 4

Isihloko sesifundo: Isipho esikhulu

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: **Isipho esikhulu**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofa kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.3: Lesisifundo silungele ibanga le-SS 4. 2.4: Uyacelwa uthinte uThisha wakho we-SS 4 uma udinga noma yiluphi usizo noma uma udinga ezinye izinsizakufunda kulezi ezingenhla.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela (I Also Want To....)
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo se-**SS 4** nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwako ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto webandla lakho noma uThisha bazimisele ukukusiza.



Isifundo

Isihloko

Isipho esikhulu

Inhloso yesifundo

Izingane ziyajabula ukuthi uNkulunkulu uthumele iNdodana yaKhe emhlabeni futhi ngokuyibonga bayinika inhliziyo yabo yonke.

Isifundo esifingqiwe:

- Sizofingqa izifundo ezi-3 eziphathelelelele nokuzalwa kukaJesu.

Isifundo sokuqala - uJesu Kristu uzalwe:

- Ingelosi yatshela uMariya ukuthi wayezozala indodana futhi wayezomqamba ngokuthi uJesu.
- UJosefa noMariya kwakudingeka baye lapho bazalelwa khona, eBetlehem ukuyobhalisela ukubalwa kwabantu.
- Lapho, ngaphansi kwezimo ezimbi kakhulu, iNdodana kaNkulunkulu, uJesu Kristu yazalwa.
- Ngalobo busuku izingelosi zamemezela izindaba ezimnandi zokuzalwa kwaKhe kubelusi emasimini aseduze neBetlehem.
- Bathole usana olunguJesu, bamkhuleka, bamdumisa futhi babonga uNkulunkulu ngalokho abakuzwile nabakubonile. Batshela wonke umuntu ngabakubonileyo.

Isifundo sesibili - Amadoda ahlakaniphile (izazi) avela eMpumalanga:

- Ezweni elikude, amadoda ahlakaniphile abona inkanyezi ekhanyayo.
- Babona ukuthi lenkanyezi iyisibonakaliso sokuzalwa kwenkosi ekhethekile kakhulu.
- Ngemuva kohambo olude bathola umntwana osanda kuzalwa, uJesu Kristu.
- Bamkhuleka bamlethela izipho ezintathu eziyigugu: igolide, inhlaka yempepho nemure.

Isifundo sesithathu - Ukubalekela eGibhithe:

- Ephusheni ingelosi yatshela uJosefa ukuthi abalekele eGibhithe noMariya nengane ukuze asindise uJesu kulunya lweNkosi uHerode.
- UHerode, wayala ukuba kubulawe bonke abafana abangaphansi kweminyaka emibili, ngoba wesaba ukuthi wayengesenakubusa embusweni wakhe.
- Ngemuva kokushona kukaHerode, uJosefa waphinde wayalwa ngephupho ukuba abuyele ezweni lakhe.
- UJosefa noMariya babuyela ekhaya eNazareth benomntwana uJesu.

Isifundo sanamuhla sithi - Isipho esihle:

- Kufanele sibonge kakhulu kuNkulunkulu ngokuthumela iNdodana yaKhe emhlabeni. Ngokwenza kanjalo, usinikeze sonke isipho esikhulu nesimangalisayo.
- Lesi sipho esikhulu siwubufakazi bothando lukaNkulunkulu ngesintu.
- Nathi sifuna ukunika uNkulunkulu isipho.
- Isipho esimnika sona siyinhliziyo yethu yonke.

Ingabe sikwenza kanjani lokho na?

- Ngokumthanda Yena, nangokuzama ukufana naYe.
- Ngokulindela ukubuya kwaKhe nokwamukela izinceku zaKhe ezisebenza egameni laKhe.
- Lokhu kungubufakazi bokuthi siyamthanda uNkulunkulu.



Ingabe sisho ukuthini lesisifundo kithina namhlanje na?

- Kumele sibonge isipho uNkulunkulu asinikeze sona, iNdodana yaKhe.
- Kumele sikhombise ukubonga kwethu ngokunikela ngenhliziyo yethu yonke kuNkulunkulu naseNdodaneni yaKhe njengesipho.

Eminye imibuzo esingayibuza:

1. Ingabe kungani kumele simbonge uNkulunkulu ngokuthumela iNdodana yaKhe emhlabeni na?

Impendulo: Ngokwenza lokhu, uNkulunkulu usinikeze sonke isipho esikhulu futhi esimangalisayo.

2. Ingabe yisiphi isipho esingasinikeza uNkulunkulu neNdodana yaKhe na?

Impendulo: Inhliziyo yethu yonke

3. Ingabe singanikela kanjani ngenhliziyo yethu yonke kuNkulunkulu na?

Impendulo: Ngokuba simthande Yena, nangokuzama ukufana naYe futhi silindele ukubuya kukaJesu, nangokwamukela izinceku zaKhe ezisebenza egameni laKhe.

4. Ingabe izazi zamthola kuphi uJesu na?

Impendulo: Emkhombeni

UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen



Baba siyabonga ngalolu suku.

Umsebenzi wakho uyiNkosi enhle kakhulu futhi sithi siyabonga ukuthi nathi singaba yingxenye yalo msebenzi omuhle kangaka.

Ngiyabonga ukuthi sikwazi ukusebenzela izingane zethu zangeSonto LangeSonto ngaphansi kwalezi zimo.

Ubusise bonke abazali bethu bezingane nothisha beSonto LangeSonto nomaphi lapho behlangana khona ukuze babe nezifundo zabo.

Ngisebenzise njengamathuluzi ukuletha izwi lakho ezinganeni zethu ukuze izingane zethu ziqonde umsebenzi wakho wensindiso.

Ngegama likaJesu ngithandaza "Amen"